

**СЛАВА: ЕВАНГЕЛЬСКАЯ УТРЕННЯЯ СТИХИРА I, ГЛАС 1**

**Н**а гору учеником идущим за земное вознесение,/ предста Господь, и поклонившися Ему,/ и данныя власти везде научившися,/ в поднебесную посылахуся/ проповедати еже из мертвых воскресение,/ и еже на небеса возшествие:/ имже и во веки спребывати неложный обещася Христос Бог, // и Спас душ наших.

**И НЫНЕ: ГЛАС 2:**

**П**реблагословенна еси, Богородице Деве,/ Воплощшим бо ся из Тебе ад пленися,/ Адам возвася,/ клятва потребися,/ Ева свободися,/ смерть умертвися, и мы ожихом./ Тем воспевающе вопиём:/ благословен Христос Бог, // благоволивши тако, слава Тебе.

**Славословие великое:**

Слава в вышних Богу,/ и на земли мир,/ в человецех благоволение./ Хвалим Тя, благословим Тя,/ кланяем Ти ся, славословим Тя, благодарим Тя,/ великия ради славы Твоея./ Господи Царю Небесный, Боже Отче Вседержителю,/ Господи, Сыне Единородный, Иисусе Христе, и Святыи Душе./ Господи Боже, Агнче Божий, Сыне Отець,/ вземляй грех мира, помилуй нас;/ вземляй грехи мира, прими молитву нашу;/ седяй одесную Отца, помилуй нас./ Яко Ты еси един Свят,/ Ты еси един Господь, Иисус Христос, в славу Бога Отца. Аминь./

На всяк день благословлю Тя, и восхваляю Имя Твое во веки, и в век века./

Сподоби, Господи, в день сей без греха сохранитися нам./ Благословен еси, Господи, Боже отец наших, и хвально и прославлено Имя Твое во веки. Аминь./

Буди, Господи, милость Твоя на нас, якоже уповахом на Тя./

Благословен еси, Господи, научи мя оправданием Твоим./ **Трижды.**

Господи, прибежище был еси нам в род и род./ Аз рех: Господи, помилуй мя, исцели душу мою, яко согреших Тебе./ Господи, к Тебе прибегах, научи мя творити волю Твою, яко Ты еси Бог мой:/ яко у

**Тебе источник живота,/ во свете Твоем узрим свет.// Пробави милость Твою ведущим Тя.**

**Святой Боже, Святой Крепкий, Святой Безсмертный, помилуй нас. Трижды.**

**Слава Отцу и Сыну и Святому Духу и ныне и присно и во веки веков. Аминь.**

**Святой Безсмертный, помилуй нас.**

**Святой Боже, Святой Крепкий, Святой Безсмертный, помилуй нас.**

### **Тропарь воскресный:**

**Воскрес из гроба и узы растерзал еси ада,/ разрушил еси осуждение смерти, Господи,/ вся от сетей врага избавивый;/ явивый же Себе апостолом Твоим,/ послал еси я на проповедь,/ и теми мир Твой подал еси вселенней,// Едине Многомилостиве.**

**Ектении: и отпуст. И час 1-й в притворе: и поучение Студитово: и совершенный отпуст.**

**НА ЛИТУРГИИ****блаженна воскресна гласа, на 4. Глас 8:**

**Помяни нас Христе Спасе мира, якоже помянул еси разбойника на Древе, и сподоби всех едина Щедре, Небеснаго Царствия Твоего.**

**На Древе пригвождся Спасе наш волею, древом Адама от клятвы избавил еси, воздавая, яко Щедр еже по образу, и рая вселение.**

**Слыши Адаме, и радуйся со Евою, яко обнаживый древле обоих, и прелестию вземый плененны нас, Крестом Христовым упразднися.**

**Днесь Христос воскресе от гроба, всем верным подавая нетление, и радость обновляет мироносицам по страсти и востании.**

**И от канона всех святых песнь 6, на 4.**

**По входе – тропарь воскресный, тропарь всех святых. «Слава, и ныне» – кондак всех святых.**

**ТРОПАРЬ ВОСКРЕСЕН, ГЛАС 8.**

**С**высоты снишел еси Благоутрѣбне,/ погребение приял еси триднѣвное,/ да нас свободиши страстѣй,// животе и воскресение наше, Господи слава Тебе.

**ТРОПАРЬ СВЯТЫМ, ГЛАС 4:**

**И**же во всем мире мученик Твоих,/ яко багряницею и вѣссом/ кровьюми Церковь Твоя украсившися,/ теми вопиет Ти Христе Бѣже:/ людем Твоим щедроты Твоя низпосли,/ мир жительству Твоему даруй,// и душам нашим велию милость.

**«СЛАВА И НЫНЕ» КОНДАК СВЯТЫМ, ГЛАС 8:**

**Я**ко начатки естества, Насадителю твари,/ вселенная приносит Ти Господи богоносныя мученики./ Тех молитвами в мире глубоче// Церковь Твою, жительство Твое, Богородицею соблюди Многомилостиве.

**Прокимен Апостола, глас 8: Помолитесь, и воздадите Господеву Богу нашему.**

**Стих: Введом во Иудеи Бог, во Израили велие имя Его.**

**И святым, глас 4: Дивен Бог во святых Своих, Бог Израилев.**

**Апостол ко Евреом, зачало 330. [Евр. 11, 33 – 12, 2.]**

**Аллилуиа, глас 4: Возваша праведнии, и Господь услыша их. Стих: Многи скорби праведным, и от всех их избавит я Господь.**

**Евангелие Матфея, зачало 38. [Мф. 10, 32 – 33, 37 – 38; 19, 27 – 30.]**

**Причастный: Хвалите Господа с небес:**

**Другий: Радуйтесь праведнии о Господе:**

**На трапезе утешение братии, готовящимся к постному подвигу.**

**Подобает ведати: аще храм всех святых: На Малей и Велицей вечерни, и на Утрени, и на Литургии, подобне поем, якоже случится в Неделю великаго святаго. Емуже бывает бдение. Точию на Утрени поем полиелей.**

**По полиелеи: Величаем вас апостоли, мученицы, пророцы, и вси святии, и чтим святую память вашу: вы бо молите о нас Христа Бога нашего.**

**Псалом избранный: Блажен муж бояйся Господа: И седален святым, писан в каноне по 3-й песни. Степенна гласа. Прокимен: Всякое дыхание: И Евангелие святым. Воскресение Христово: и псалом 50. Слава: Молитвами всех святых: И ныне: Молитвами Богородицы: Вместо Воскрес Иисус: Стихира всем святым, кую волиши. Канон воскресен со ирмосом на 4, и Богородицы на 2, и святым на 8. И прочее, якоже предписася.**